

## ՄԵԱԿԵՐԻՄ ՄԵԼՋՈՆՅԱՆ

### Վ. ՏԵՐՅԱՆԻ ԱՇԽԱՏԱՆՔԸ «ԲԱՆԱՍՏԵՂԾՈՒԹՅՈՒՆԵՐԻ» ԱՌԱՋԻՆ ՀԱՏՈՐԻ ԶԵՌԱԳՐԻ ՎՐԱ

Խոսքի անվանի մշակների (Թումանյան, Պուշկին և ուրիշներ) ստեղծագործական աշխատանքի փորձը հիմք է տալիս ասելու, որ գրողին, բանաստեղծին վերսատ տրված շնորհն ընդամենը նախապայման է մեծ լինելու համար: Մեծությունը նվաճվում է ստեղծագործական տևական և նանրակրկիտ աշխատանքի շնորհիվ, աշխատանք, որ կատարվում է գեղարվեստական երկի կառուցվածքի, տողի, բառի վրա:

Միանգամայն իրավացի է Էդ. Ջրաշյանը, երբ այն միտքն է ընդգծում, թե խոսքի անմահ մշակներն ընթերցողին հետաքրքրելու են ոչ միայն իրենց գրական ժառանգությամբ, այլև «ստեղծագործական աշխատանքի բուն ընթացքով (այսպես կոչված՝ լարորատորիայով), վարպետության և արարման գաղտնիքներով»:<sup>1</sup> Եթե սովորական ընթերցողի համար գրողի ստեղծագործական լարորատորիային ծանոթանալը կարևոր է այնքանով, որ շոշափելիորեն տեսնի ու հասկանա, թե ինչպես են կերտվել հիացմունք պատճառող էջերը, ապա մասնագետ հետազոտողը գրողի ստեղծագործական լարորատորիայի ուսումնասիրության հիման վրա պատասխան այսի տա այն կարևոր հարցին, թե ինչպիսի ընթացք են ունեցել նրա ստեղծագործական հաստինացումը, գեղարվեստական վարպետության կատարելագործումը:

Վ. Տերյանն էլ այն անմահ մշակներից է, որոնք ստեղծագործական ջանք չեն խնայել գեղարվեստական խոսքի անթերի կատարելության հասնելու հարցում: Խորին ափսոսանք է առաջացնում այն իրողությունը, որ Տերյանը, ինչպես նրա ստեղծագործական կյանքին նոտիկից ծանոթ Պ. Սակինցյանն է նշում, անհրաժեշտ հոգածություն չի ցուցաբերել իր սևագիր ձեռագրերի պահպանման հարցում: «Վ. Տերյանը, - նշում է Սակինցյանը, - գրում էր առանձին՝ առանձին թերթիկների վրա: Ամեն անգամ աշքի ածելով իր ձեռագիրները, եթե նա կանգ էր առնում որևէ գրվածքի վրա ու փոփոխումներ նշցնում, անմիջապես այդ թերթիկը մաքուր արտագրում էր և, ինը պատռելով ու զամբյուղը նետելով, տեղը դնում էր նորը: Այսպիսով, նրա դարակում պահպաժ ձեռագիրները միշտ մաքուր էին, իսկ թե քանի-քանի անգամ էին այդ ձեռագիրները ենթարկվել վերամշակումի-այդ գիտեր ինքը պետք և իր գրասեղանի տակի զամբյուղը»:<sup>2</sup>

Բարեբախստություն պետք է համարել, որ տպագրությունից հետո պահպանվել է Տերյանի «Բանաստեղծությունների» առաջին հատորի ձեռագիրը՝ բաղկացած 223 էջից: 1985թ. լույս տեսավ այդ ձեռագրի լուսապատճենը՝ Էդ. Ջրաշյանի վերջարանով: Այդ ձեռագիրը հրատարակությունում տեղ են գտել «Սթեղաղի անուրջների» վերամշակված և լրացված տարրերակը, «Գիշեր և հուշեր», «Օսկի հերիար» շարքերը և «Վերադարձ» շարքի երկու բանաստեղծություն՝ ընդամենը 170 ստեղծագործություն:

Սույն հոդվածում մեր նպատակն է ուսումնասիրության առարկա դարձնել այդ ձեռագրի ժողովածուի վրա Տերյանի կատարած մանրակրկիտ, բազմարժնույթ աշխատանքը: Առանձին ուսումնասիրության անհրաժեշտությունը պայմանավորված է նաև նրանով, որ անհասկանալի պատճառով առայժմ այդ ստեղծագործական աշխատանքը տերյանագիտության մեջ գրեթե անտեսված է մնում, քեզ առհասարակ Տերյանի ստեղծագործական լարորատորիան ներկայացնելու ուղղությամբ որոշակի քայլեր կատարվել են: Այդ առումով առանձին ուշադրության արժանի է Տերյանի՝ Վ. Պարտիզունու կողմից կազմված ու ծանոթագրված բառահատոր երկերի ժողովածուի առաջին հատորի «ծանոթագրություններ» բաժինը: Ընհանատական վերաբերմունքով օգտվելով տերյանագիտության մեջ ձեռք բերված նվաճումներից՝ Վ. Պարտիզունին ծանոթագրությունները կազմելիս, ինչպես ինքն է իրավացիորեն նշում, որոշակի պարագանե-

<sup>1</sup> Վ. Տ բ յ ա ն, Բանաստեղծություններ, հ. 1, Եր., 1985 (Չեռագրի լուսապատճենային հրատարակություն), Էդ. Ջրաշյանի վերջարանում, էջ 1: Այս ժողովածուից այսուհետև կատարված մեջբերումների միայն էջը կնշվի շարադրանքում՝ փակագծերի մեջ:

<sup>2</sup> Մեջբերումը կատարված է Վ. Պարտիզունու «Վահան Տերյանի հետ» աշխատությունից, Եր., 1989, էջ 272:

բում մասսամբ հետացել է սովոր կազմողի պարտականություններից և գնացել է դեպի տեքստ պատրաստելու և «փնչ- որ շափով Տերյանի երկերի գիտական հրատարակությունը նախապատրաստելու դժվարին բնազավառը»:<sup>3</sup> Նա կարևոր քայլ է կատարել Տերյանի բանաստեղծությունների տեքստային տարրերությունները ներկայացնելու հարցում: Բայց այս ամենով հանդերձ մենք այն համոզնան ենք, որ ամենին էլ հավաստի չէ «Պարտիզոնու այն պնդումը, թե Տերյանի հատորները կազմելիս և ծանրաբերելիս «համեմատված են բոլոր ինքնազրերն ու հրատարակությունները»»:<sup>4</sup> Ինչպես մեր կողմից կատարված ուսումնասիրությունն է ցոյց տալիս, Տերյանի «Բանաստեղծություններ» ժողովածուի առաջին հատորի (1912թ.) ձեռագրում տեղ գտած բազմաթիվ և բավական բազմաբույր լեզվառնական և այլ կարգի փոփոխություններ, կամ ամենին էլ արտացոլված չեն հեղինակի համապատասխան հատորի ծանրաբերություններուն, կամ հարևանցիորեն են ուշադրության արժանացել: Այսպես, օրինակ, «Սիրահարվածը» բանաստեղծության ինքնազրի վրա (էջ 80) կատարված են մի քանի փոփոխություններ, որոնցից ոչ մեկը արտացոլված չէ ծանրաբերություններում: Բանաստեղծության առաջին տար 3-րդ և 4-րդ տողերն այսպես են ինքնազրում:

Արդեն բույլ եմ ես այս խենք կարտում

Երկարեւ կամքըս բույլ է և՝ ուժըս շնչին ... (80)

Ընդգծվածները ձեռագրում այսպիսի խմբագրման են ենքարկվել.

Անզոր եմ արդեն այս խենք կարտում

Եվ կամքըս բույլ է և ուժըս շնչին ...

Երեք փոփոխություն էլ կա բանաստեղծության 2-րդ քառատողում: Դժվար է ասել, թե դրա առաջին տողում ինչ բառ է ջնշված, որի վերևում գրված է «այս չար» կապակցությունը («Խենքացած թեղից այս չար մենության ...»): Երրորդ տողում հետո բառն է փոխարինված ցոր-ով («Տեսնելու հետոր/ցորդով գեր հեռվից հեռու ...»): Չորրորդ տողում բավական որոշակիորեն զգացվում է, որ և շաղկան է փոխարինված ուն («ՈՒ հսկելու քեզ ստվերի նման ...»»):

Գույք նշված և այդպիսի բազմաթիվ այլ բանաստեղծություններում կատարված փոփոխությունները հատորի ծանրաբերություններում տեղ գտած չինելը պատճառաբանվի Վ. Պարտիզոնու կողմից նշված այն բացատրությամբ, թե Տերյանի կողմից կատարված փոփոխություններից, այլընթեռնումներից «քերել ենք կարևորները, ավելի մասրամասն բողներով ակադեմիական հրատարակությանը»:<sup>5</sup> Բայց այս դեպքում բնականաբար այսպիսի հարց կառաջանա. Ո՞ր փոփոխությունները կարելի է կարևոր համարել, որոնք անկարևոր: Այսպես էլ անհասկանալի է մնում, թե ինչո՞ւ, օրինակ, «Աշուն» բանաստեղծության «Անձրև, քամի, ցորց կամար» տողում ընդգծված բառը սկ բառով փոխարինելը կարևոր է համարվել, ծանրաբերություններում նշվել է,<sup>6</sup> իսկ, ասենք, «Տիսոր մեռան կապտաշյա...» բանաստեղծության «Հայտնվիր մուր անապատում» տողում ընդգծված բառը ձեռագիր ժողովածուի մեջ սկ բառով փոխարինելը (39) կարևոր չի համարվել և ծանրաբերություններում չի նշվել: Մի՞թե անկարևոր է այս փոփոխությունը, որը նոյնական արտացոլված չէ ծանրաբերություններում: Եղել է. «Մի մանկիկ է իմ հոգին մոլորուն» դարձել է. «Մի ոքք մանկիկ է հոգիս մոլորուն» (104): Կամ մի՞թե անկարևոր են բանաստեղծություններից մեկում կատարված հետևյալ փոփոխությունները:

Նախապես եղել է.

Հողմ ու անձրև շարունակ

Դուռն եմ ծեծում ու հեծում ... (130)

Այս ընդգծված տողն ինքնազրում փոխարինվել է հետևյալով.

Իմ լոսամուտն է ծեծում ...

<sup>3</sup> Վ. Տ բ յ ա ն, Երկերի ժողովածու, 4 հատորով, հ. 2, Եր., 1973, էջ 324:

<sup>4</sup> Նոյն տեղում, հ. 1, Եր., 1972, էջ 305:

<sup>\*</sup> Այս և հետագա բանաստեղծական տողերում պահպանված է ձեռագրերում առկա կետադրությունը (ծանրաբերություն՝ U.U.):

<sup>5</sup> Նոյնը:

<sup>6</sup> Նոյն տեղում, էջ 309:

Ինքնազրում կատարված է նաև շարադասական փոփոխություն, որը նոյնական կարևոր չի համարվել, ծանոթագրություններում չի արտացոլվել: «Դու հրաշքով այսօր եկ» տողում փոխվել է ընդգծված բառերի տեղը («Հրաշքով դու այսօր եկ»):

Ինքնաշխիճքյան հասկանական է, որ բանաստեղծի, գրողի կողմից կատարված փոփոխությունները նախ պիտի բացահայտվեն, ներկայացվեն ուսումնասիրողների ուշադրությանը, ապա նոր միայն արժեքավորվեն: Պեսք է ավելացնել նաև, որ բառի գործածության հարցում Տերյանի նման քծախնդիր բանաստեղծի կողմից կատարված փոփոխություններից հազարից մեկը հազիվ անկարևոր լինի: Ո՞վ կարող է ասել, թե վերը բերված տողերի խմբագրությունը որևէ մեկն անկարևոր է: Եթե Տերյանն անհրաժեշտ է համարել արդեն պատրաստի, հրատարակության ներկայացրած ժողովածուի վրա աշխատել, բառեր ու տողեր փոխել, դա արդեն իսկ խոսուն ձևով վկայում է, որ բանաստեղծն առանձնակի կարևորություն է տվել այդ փոփոխություններին:

Որ ուսումնասիրողների կողմից Տերյանի «Քանաստեղծությունների» առաջին հասորի ձեռագիրը պատշաճ ուշադրության առարկա չի դարձել, այդ մասին է վկայում նաև հետևյալ՝ ամենալին էլ ոչ երկրորդական նշանակություն ունեցող իրողությունը: Այդ ձեռագրում «Աշնան զիշեր» բանաստեղծության երրորդ քառատողի բառային կազմն այնպիսին է, որի մեջ տեղ չունի հեկեկալ բայր:

Այնքան վիշտ կա անհույս այդ երգում  
Այնքան դառը տանջանք ու քախիծ  
Եւ անվերջ հավիտյան է երգում  
Հեկեկուն այդ երգը այնտեղից... (106)

Սեր կողմից ընդգծված այս բառի փոխարեն Տերյանի մեջ հայտնի բոլոր ժողովածուներում երևան է եկեղեցի հեկեկալ բայրի ներկայի ժամանակաձևը՝ գեղշված օժանդակ բայով.

Հեկեկուն այդ երգը այնտեղից<sup>7</sup>

Տերյանի ձեռագրում հեկեկուն – ը որպես մակդիր է հանդես գալիս երգ բառի համար («հեկեկուն երգ»): ՈՒՆ ածանցով կազմված ածական կա Տերյանի նաև «Ժափառումն երգ» բանաստեղծությունում. «Կըկանչեմ զվարք ու արքուն երգով Անց ու դարձողին ...» (180): Եթե այս հարցով հետաքրքրվող որևէ մեկին այնպես թվա, թե հեկեկուն բառի վերջին տարր ձեռագրում որոշ նմանություն ունի մի հետ և կարող է որպես մի էլ ճանաչվել, խորհուրդ կտանք ուշադրության արժանացնել նաև արքուն բառը, որի կազմում էլ ուն ածանցը բացարձակորեն նույն գրության ձևն ունի:

Ինչպիսի՞ն են խնդրո առարկա ձեռագիր ժողովածուի մեջ կատարված փոփոխությունները: Դրանք թեև բավական բազմազան դրամորում ունեն, բայց հիմնական, բացարձակորեն գերակշիռ մասը լեզվածական բնույթի է:

Նախ համառոտակի նշենք որոշ բանաստեղծություններում կատարված տողերի, տեսերի կրծատման, բանաստեղծությունների դասավորության մեջ կատարված փոփոխությունների մասին: Կրծատումներ կան մի բանի բանաստեղծություններում (տե՛ս Էջեր 86, 126, 135 ևս): Կրծատումների հիմնական նպատակը խոսքի կատարյալ սեղմության ապահովումը կարելի է համարել: Այսպիս օրինակ, «Դուրս ցուրտ է հինա» բանաստեղծությունում կրծատված է մի տուն, որի բովանդակությունը տարբեր դրսերումներով արձարձում է նաև այդ բանաստեղծության մյուս յոր քառատողերում: Ահա այդ կրծատված տունը.

Չի փայլում ոչ մի լույս

Գիշերում ալեկոծ

Ես ունեմ ուղեցույց

Հեռավոր մի փարս ... (205)

«Ես չեմ հիշում երբ և ուր» երկու քառատողից բաղկացած բանաստեղծությունում կա նաև ջնջված 9-րդ տողը. «Սակայն սիրու հավատաց....» (163): Բանաստեղծը հավամարար նտադիր է եղել շարունակել բանաստեղծությունը, բայց զգալով, որ ասելիքն ասվել է, հրաժարվել է այդ մտադրությունից:

<sup>7</sup> Վ. Տերյան, Երկերի ժողովածու, 3 հասորով, հ. 1, Եր., 1960, էջ 103: Վ. Տերյան, Երկերի ժողովածու, 4 հասորով, հ. 1, Եր., 1972, էջ 118:

Սիանշանակ պատասխան չի կարելի տալ 24-րդ և 25-րդ էջերի կրծատմանը: Ձեռագիր ժողովածուն ներկայացնող իր վերջաբանում (էջ 4) Էդ. Չրբաշյանն այլ էջերուն գտնվելով 33 տողերը միասին որպես մեկ բանաստեղծություն է դիտում. «...ջնջվել հանվել է մի բանաստեղծություն («Հեռու լեռներուն արծար կարկաչուն...»),»- գրում է Չրբաշյանը: Մենք այն կարծիքին ենք, որ 24-րդ էջի երեք տունն առանձին բանաստեղծություն է, 25-րդ էջի երեք տունն՝ առանձին: Ցուրաքանչյուր էջում եղածը որոշակիուն ամբողջական մտքի արտահայտություն է: Դրանց հատկապես առաջին տները բավական տարբեր բանաստեղծական ապրումի դրսւորում են: Ավելորդ չենք համարում վկայակոչել այլ տունը.

#### 24-րդ էջինը

Հեռու լեռներուն	Ցնորքներ ցոլուն
Արծար կարկաչուն	Անուրջներ անոնչ
Աղրյուրն է հնչուն	Տխոր անցյալուն
Ցայտերով խոսուն	Հեռու և անհուն
Հեռու լեռներուն ...	Անհայտ անցյալուն ...

Ուշագրավ է նաև այն, որ 24-րդ էջի երեք տներում միայն մեկ, այն էլ շարադասական բնույթի փոփոխություն է կատարված, իսկ 25-րդ էջի սկզբի երկու տները բավական հանգամանալի մշակման են ենթարկված. Վերը բերած 5 տողի փոխարեն եղել է 6 տող: Վերջին «Անհայտ անցյալուն» տողի փոխարեն եղել է երկու տող. «Անդարձ ու անհաս Տխոր անցյալուն», 2-րդ տողում անուրջներ բարի փոխարեն նախապես եղել է երազներ բառը: Այնուամենայնիվ, 24-25-րդ էջերում եղածը մե՞նք թե՞ երկու բանաստեղծություն դիտելու հարցը կարիք ունի նաև հետագա ուսումնասիրման: Այդ հարցն այժմ ամփոփենք նույնիսկ անհավատակի թվացող այն իրողության արձանագրումով, որ ինչքան կարողացանք պարզել, այդ բանաստեղծությունների, անտիպ բանաստեղծությունների շարքում: Եվս մի ապացույց, որ այժմ քննվող ձեռագիր ժողովածուն պատշաճ ուղղության չի արժանացել տերյանագետների կողմից:

Առաջին խմբի փոփոխությունների հարցն ավարտելուց առաջ նշենք, որ ժողովածուի «Ուսկի հեքիաթ» շարքի վերջին երկու բանաստեղծությունների տեղուն է փոխված ձեռագրում. շարքի վերջին բանաստեղծության («Դու կրօսա ու կրկին հեքիաթով կրոյութես») վերևում ձախ կողմում, գրված է՝ **առաջ**, իսկ նախավերջին բանաստեղծության («Արևածագ») վերևում՝ **հետո** (էջեր 217, 218): Բանաստեղծն այդպես է կամեցել հավանաբար այն նկատառումով, որ նախորդ շարքն ավարտվի որոշակիորեն բարձր տրամադրություն արտահայտող «Արևածագ»-ով, և դրան անմիջապես հաջորդի «Վերադարձ» շարքը՝ ոգիշունչ «Մենորյան խավար զնդանից կրկին եւ վերադարձա հզը և հայրտ ...» ավելիսով:

Այժմ անցնենք այնպիսի փոփոխությունների քննությանը, որոնք բուն իմաստով վերաբերում են բանաստեղծությունների լեզվի և ոճի կատարելագործմանը:

Ինչքան էլ կարևորվի լեզվի, ոճի, առհասարակ խոսքի գեղարվեստական բարեմասնությունների հարցը, պետք է նկատի առնվիշտ, որ դա ինքնազ իրողություն չէ գրողի, բանաստեղծի համար: Գեղարվեստական ստեղծագործության մեջ խոսքի որակը, յուրահատկությունը, այդ ողբությամբ կատարվող աշխատանքի բովանդակությունը պայմանավորված են այնպիսի կարևոր հանգամանքներով, ինչպիսիք են գրողի որդեգրած գրական ուղղությունը, նրա ստեղծագործական խառնվածքը, օգտագործած ժանրը և այլն:

Տերյանի «Բանաստեղծությունների» առաջին հաստրի ձեռագրի վրա կատարված փոփոխությունների հիմնական մասը վերաբերում է քննարկան հերոսի հոգեկան աշխարհի պատկերմանը: Հայտնի իրողություն է, որ ընդհուպ մինչև այժմ ուսումնափության առարկա հանդիսացող ժողովածուի հրատարակելով, մարդու, հասարակական լյանքի կատարելության կարուն իր սրտում ունենալով հանդերձ, Տերյանի՝ որպես հիմնականում խորհրդապաշտական ուղղությանը հարող բանաստեղծ, մտահոգ է եղել ոչ այնքան լյանքին ջերմություն հաղորդելու նպատակարումով, ինչպիսին, ասենք, Թումանյանն էր, որքան քննարկան հերոսի հոգեկան աշխարհի դառնությունների, թախծի, դժգոհության արտահայտումով: Բայց դա չի նշանակում, թե նրա ստեղծագործած

ծական կյանքի այդ շրջանում չկան լավատեսական առկայժումներ, ցանկալի գալիքի երազանքներ: Այս կապակցությամբ ուշագրավն այն է, որ ձեռագրի ժողովածոփ վրա աշխատելիս Տերյանը ճգտել է քնարական հերոսի հոգեկան աշխարհում ավելի նկատելի դարձնել լավատեսական ապրումները, հույսի շողարձակումները: Կարելի է ասել, որ հեղինակի կողմից գրեթե կատարված չէ այնպիսի նպատակադրումով սրբազրում, որ այն միտքն ընդգծվի, թե քնարական հերոսն իրեն զգում է «միշտ նրին, մենակոր» ուզու վրա՝ հուսաբեկ, «գմբամ ցավի մեջ»: Բայց հակառակ բնույթի փոփոխությունները քիչ չեն: Այժմ մեզ հետաքրքրող խնդրի առումով ուշագրավ է «Առավոտ» բանաստեղծությունը: Այդ բանաստեղծության քնարական հերոսը, համելիորեն իր երախտապարտությունը հայտնելով առավոտին, որ այսօր քաղցր է նայում, դյուքական է համրույրը նրա, և «զայն է բացված հեռուն արևոտ», բանն այնտեղ է հասցնում, որ պիմվոլխատական «կարգ ու կանոնը խախտելով» նաև նշում է, թե

Սիրտս վառված է մի նոր երազով ... (210)

Բայց անմիջապես սրափելով՝ հրաժարվում է վառվել բայից:

Սիրտս լիքն է մի նոր երազով ...

Հավանաբար գործանալով գրչակիցներից՝ ավելի է մեղմացնում իր հոգեկան աշխարհի լավատեսական բուռն դրսեորունը, և երևան է գալիս սրտամնու գինով՝ բառը.

Սիրտս գինով է մի նոր երազով...

Եվ կարծես ամեն ինչ տեղն է ընկնում: Բայց ոչ: Հավանաբար վերը նշված փոփոխությունների ժամանակ կողմնորոշչի նշանակություն ունեցող միտումն իրեն զգալ է տվել նաև հետազայտմ՝ տարիներ հետո, երբ բանաստեղծը կրկին անդրադարձն է այդ ստեղծագործությանը, և վերը նշված տողն այնախի վերջնական տեսքի է քերվել, որ սրտի հրճանքը նկատելիորեն մեղմանա, գինովությունն առնչվի առհասարակ քնարական հերոսին.

Ու գինով եմ ես մի նոր երազով...

Բայց պետք է նշել, որ, ի տարրերություն «Առավոտ» բանաստեղծության, մշակման ենթարկված մյուս բանաստեղծություններում հիմնական միտումն այն է, որ քնարական հերոսն ավելի հետևողականորեն է լավատեսական տրամադրությամբ հանդիս գալիս: Անդրադարձնանք այդպիսի բանաստեղծություններից մի երկուսին:

«Թափառական» բանաստեղծության մեջ բավական բարձր տրամադրությամբ է ներկայանում քնարական հերոսը, նա հաճույքով է նշում, որ բոլոնելու է քաղաքն աղմկոտ, կիմի դաշտերում՝ կանաչ ծառի տակ, վառ աստղերի հետ ամուշ կերազի: Այդ լավատեսական տրամադրության հետ որոշ չափով անելրդաշնակության մեջ է գտնվել բանաստեղծության վերջին տաճ երրորդ տողը.

Անտուն անցորդից կիսնորեն ես հաց,

Պայծառ առըյուրի ջուրը կիսմեն,

Երկինք կրիառեմ աշքերս հոգնած

Ընքուշ ծաղկանց հետ խաղաղ կրօնեմ ... (22)

Ամենայն հավանականությամբ ընդգծված տողի վրա գիծ քաշելու հարցում կարևոր դեր է ունեցել «հոգնած աշքերից» ազատվելու նկատառունը, որպեսզի քնարական հերոսի հոգեկան վիճակն անխառն լավատեսությամբ ներկայացվի: Այդ տողին փոխարինել է հետևյալը. «Լայն երկնքի տակ հաշտ ու սրտարաց»:

Այժմ ըննող խնդրի առումով ավելի ուշագրավ է մեկ այլ բանաստեղծությունում կատարված փոփոխությունը: Նախապես այսպես է ներկայացված եղել «ցուրտ աշխարհի» ներգործությունը քնարական հերոսի հոգեկան աշխարհի վրա:

Ցուրտ է աշխարհն ու արտու

Աշնան անձրև ու մշուշ

Բազված է մի բունոս խոց

Մի մոք շիրիմ իմ սրտում ... (110)

Ընդգծված տողերի խմբագրման շնորհիվ՝ նախ որ «ցուրտ աշխարհի» առնչությունը ներկայացվել է ոչ թե անմիջապես քնարական հերոսի հետ, այլ ընդհանրապես և, որ ավելի կարևոր է, այդ աշխարհի պատճառած հետևանքն այդպիս մահազրու ձևով չի ներկայացվել.

... Սևավոր են ու ցավոտ  
Եվ մոտածում և վերիշ...

Քառասոտղի այս խմբագրված տարբերակն առավել չափով ժամանակի իրականության քննադասությունն է, քան թե քննարական հերոսի ներանձնական հոռեւնսական տրամադրության արտահայտություն:

Չնարական հերոսի ներաշխարհը ճշտորեն բացահայտելու միտումն է կարևորվել նաև «Աշնան առավոտու երգը» բանաստեղծությունում, որի առաջին քառասոտղում մի քանի փոփոխություններ են կատարված: Ահա այդ քառասոտղի սկզբնական տարբերակը.

Այնպես անլոյս է այսօր  
Առավոտը լուսացել  
Սիրուրս հոգնած ու անզոր  
Սահազո՞ւ վիշտ է լորել ... (130)

Այս դեպքում էլ բանաստեղծի ուշադրությունը կենտրոնացած է եղել երրորդ և հատկապես չորրորդ տողի վրա, մասնավորապես կամեցել է «մահացու վշտի» հարցը լուծել: Չորրորդ տողը ներկայացվել է մի նոր տարբերակով, որը նոյնպես չի բավարարել բանաստեղծին: Այդ նոր տարբերակն էլ է ջնջվել, որի առաջին երկու բառը, այնուամենայինվ, կարելի է կարդալ («մահու բախիծ»), իսկ երրորդ բառն այնպես է ջնջված, որ չի կարդացվում: Մանրակրկիտ աշխատանքի շնորհիվ՝ այս դեպքում էլ քննարական հերոսն այնպիսի հոգեկան վիճակով է ներկայացվել, որ առաջին տարբերակի համեմատությամբ շատ է հետու մահից, հոռեւնսությունից:

Այնպես անլոյս է այսօր  
Առավոտը լուսացել  
Սիրուրս հիմանը ու անզոր  
Անլուսությամբ է լորել ...

«Դու խոսում ես...» տողով սկսվող բանաստեղծության քննարական հերոսը ծովի երգ է լսում մշուշում, բայց այդ մշուշը եթե նախապես բնորոշված է եղել «հավերժական» հատկանիշով («Հավերժական մշուշում ...»), ապա տողի վրա կատարված աշխատանքից հետո բնորոշվել է մի պայծառ հատկանիշով.

Ծովն է երգում լայն ու խոր  
Ուկեպայծառ մշուշում... (174)

Եվ ուշադիր ընթերցողի կողմից իրողությունն այնպես է ընկալվում, որ մշուշն օրյեկտիվ իրական աշխարհին է վերաբերում, իսկ դրա բանաստեղծական ընկալումն իր մեջ մշուշային ոչինչ չունի, միանգամայն պայծառ է:

Առանց վարանելու պես ու նշել, որ քննարական հերոսի հոգեկան աշխարհի բացահայտմանը վերաբերող վերը նշված և նոյնաբնույթ այլ փոփոխությունները եթե ժամանակին և պատշաճ ձևով նկատված և ներկայացված լինեն, անվերապահորեն հնարավոր կիներ ավելի ճիշտ և հիմնավոր պատկերացում ունենալ Տերյանի բանաստեղծական աշխարհի, մասնավորապես սիմվոլիստական ուղղության նկատմամբ նրա ցուցաբերած վերաբերմունքի մասին: Համեմայնելուս, հարցն այնպես չեր ներկայացվի, թե ոչ միայն «Մթնշաղի անուրջներում», այլև 1912թ. տպագրված ժողովածուի մեջ Տերյանն «անհուն անհուսությամբ» է անցել «սև գիշերվա միջով», միշտ իրեն զգալով «ցուրտ ձմռան բուք ու հողմի մեջ»: Վերը ուշադրության արժանացրած և նոյնաբնույթ փոփոխությունները պայմանավորող ստեղծագործական տրամադրությունն առհասարակ «Բանաստեղծությունների» առաջին հատորում զարգացման միտում է ցուցաբերում, որը սիմվոլիզմից որպաշակիորեն սահմանազառվելու արտահայտություն է: Այն մասին անդրադարձ կինին նաև ստորև:

Միտքը, զգացմունքը ճշտորեն արտահայտելու, խոսքի ներգործման ուժն առավել չափով զորացնելու նախատակադրումով կատարված աշխատանքն առհասարակ ամենական էլ միակողմանի դրսւորում չունի և Տերյանի ժողովածուի մեջ էլ չի սահմանափակվում միայն քննարական հերոսին վերաբերելով:

Տերյանի ինչպես «Մթնշաղի անուրջներում», այնպես էլ «Բանաստեղծությունների» առաջին հատորում կան այնպիսի բառագործածություններ, բառերի այնպիսի կապակցումներ, որոնք եթե գրական նորմայից կատարված շեղումներ էլ չհամարվեն,

ապա պիտի որակվեն որպես խոսքի կառուցման հարցում չափից ավելի ազատության դրսևորում։ Որոշ բանաստեղծությունների ձեռագրերի վրա կատարված վոփինսությունների օգալի մասն այն բանի վկայությունն է, որ Տերյանը ձգտել է հնարավորինս ազատվել խոսքի կառուցման այդպիսի եղանակից։ Բերենք համապատասխան մի գործածություն։

... Սանկական մի երգ հետու օրերում,

Նրբին մի համրույր որ չունի անուն ...(150)

Ձեռագրում փոխվել է ընդգծված արտահայտությունների տեղը, որի շնորհիվ անուն չունենալու հարցն առնչվել է ոչ թե համրույրի, այլ մանկական երգի հետ։

Նրբին մի համրույր հետու օրերում,

Մանկական մի երգ, որ չունի անուն ...

Երգը կարող է անուն ունենալ կամ չունենալ, իսկ համրույրին անուն ունենալ չունենալու հարցն առնչվել խոսքի կառուցման գործում չափից ավելի ազատություն ցուցաբերելու արտահայտությունն է, որից էլ հրաժարվել է Տերյանը։

Խոսքի ճշգրտման ուշագրավ արտահայտությունն է նաև հետևյալը, որ վերաբերում է քնարական հերոսի հոգեկան վիճակում տեղի ունեցած դրական փոփոխության հավաստմանը՝ դրսևորվելով նույրը բառը տվյալական նոյրը բառով փոխարինելով։ Եղել է՝

-Ծորջու վառված է մի անուշ տագնապ,

Սի նոյրը հուզում է սիրտս նրբրկում... (74)

Այս տողերին անմիջապես հաջորդող բառատողով ներկայացվում է այդ «նույրը հուզումի» դրսևորումը։

Անտես զանգերի կարկաչն եմ լսում

Իմ բացված սրտում հնչում է մի երգ.

- Կարծես թե մեկը ինձ է երազում

Կարծես կանչում է ինձ մի քննուշ ձեռք ...

Անտես զանգերի կարկաչն լսելը, բացված սրտում երգ հնչելը և այն, իհարկե, պիտի ներկայացվելու որպես ոչ թե նույրը, այլ նոյրը հուզում քնարական հերոսը հոգեկան նոյր վիճակով է հանդես գալիս։

Ինչպես կարելի է նկատել, վերը բերված օրինակում նույրը-որ փոխարինելով նոյր-ով՝ Տերյանը խոսքի ճշտությունը գերադասել է «քանաստեղծականությունից»։ Մակդիրը փոխարինել է սովորական որոշշումը։ Մակդիրին վերաբերող մյուս խմբագրումներում էլ Տերյանը մի առանձին նախասիրություն չի ցուցաբերել բանաստեղծաշունչ բառերի նկատմամբ։ Նրան հետաքրքրող հոգեկան վիճակը, երևոյթը ավելի ճշգրիտ դրսևորումով արտահայտելու է։ Անհանձին իր հոգում «աղոթքի պէս ապրած» առջևան բնուրագրելիս ինչպիսի ընթացք է ունեցել բանաստեղծի կատարած աշխատանքը։ Նախապես այսպես է եղել։

Ին հուշերի մեջ ամենից պայծառ

Իմ լրված սրտի միակ հանգըլվան ... (30)

Բանաստեղծության ինքնագրում միակ բառը ջնջված է և վրան գրված է՝ լուսե.

Իմ լրված սրտի լուսե հանգըլվան... .

Սա էլ չի բավարարել բանաստեղծին, թեև կարող է թվական անհատականությանը նպաստելու առումով անփոփոխ պիտի մնար։ Երեան է եկել վերջնական տարբերակը, որն առաջին հայացքից կարող է այնքան էլ բանաստեղծական ջրվակ, բայց ավելի հաջող է բնուրագրում սրտի սիրենիին, որի «ժայիտը մեղմ էր ու դողդոց», որը «չուներ խոցող թուշանքը կնոջ»։ «մոտենում էր որպես քաղցր քոյլ»։

Իմ լրված սրտի մաքուր հանգըլվան...

Մակդիրի գործածության հարցում մյուս դեպքերում էլ նույնային մոտեցում է ցուցաբերված։ Իհարկե, ավելի ճիշտ է համեմատելու բնուրագրել հերիաք, բան թե երազ բառով։ «Յնորք ու երազ-պայծառ իրիկուն» տողը դարձել է «Հերիաք ու ցնորք-պայծառ իրիկուն»։ Արեգակ տենչացող բանաստեղծի հոգում խավար սփռող այն օտարուհու կամքը, որի նույնիսկ գգվանքը չարություն է պարունակել, իհարկե, պիտի բնուրագրելու ոչ թե ախտավոր («Ո՞վ ես դու, որ անզոր եմ քո դեմ և գերի ախտավոր քո կամքին»), այլ դիվային մակդիրով («... Եվ գերի դիվային քո կամքին», 105)։

Տերյանական խոսքի նրբությանը, գեղարվեստականությանը վնասող մի երկու տող է եղել ծեռազիր ժողովածովի մեջ, որոնց խմբագրումից շահել են ոչ միայն համապատասխան բանաստեղծությունները, այլև առհասարակ խոսքի տերյանականությունը:

Քնարական հերոսի հոգեկան աշխարհում հրաշք աղջկա առաջացրած հեղարեկումը նախապես այսպես է արտահայտված եղել.

Հրաշք աղջիկ, զիշերների քագոնի

Ճառագայթող քո աչքերով դու եկար

Փարաբեցիր ինձ մազերով քո երկար ... (34)

Չես կարող հավատալ, թե ընդգծված տողը տերյանական բանաստեղծական մտածողության արտահայտությունն է: Այս տողով արտահայտված բովանդակությունը «փաստացիության» առումով չաղերսկելով իրականին, գեղարվեստական տեսակետից էլ շատ է անբանաստեղծական և հեռու տերյանականից: Մշակումից հետո ընդգծվածի փոխարեն երևան է եկել մի տող, որի շնորհիվ ապահովվել է բերված բանաստեղում արտահայտված բովանդակության միաձույլ դրսնորումը, մեծապես շահել է խոսքի գեղարվեստականությունը: Ահա այդ տողը.

Ուսկե բոցով լցրիր հոգին իմ տկար...

Հիմնականում բանաստեղծական մտքի արտահայտման նույն որակը և դրա նկատմամբ ցուցաբերված վերաբերմունքն ենք տեսնում նաև մեկ այլ բանաստեղծության ձեռագրում.

Ուրիշ ափերի թովիչ ճայնի պես

Չո շարժումները ուրվականացին

Ստվերապաճոյց իրիկնաժամին

Անտես օղակով կապեցին ինձ քեզ ... (59)

Սա նախնական տարբերակն է, որի ընդգծված տողը փոխարինվել է սրանով.

Ծղբայեցին ինձ օղակով անտես ...

Ուշարժան որոշակի ճշգրտումներ են կատարված նաև բանաստեղծությունների վերնագրերում: Նախ նշենք, որ վերնագրերի գօալի մասը ավելացված է ծեռազիր ժողովածովն պատրաստ լինելուց հետո, գուցեն և տպագրության ընթացքում: Ավելորդ է նշել, թե ինչ կարևորություն ունի վերնագրերի ավելացումը բանաստեղծությունների բովանդակությունը խոտացված ձևով ներկայացնելու, ընթերցողին կողմնորոշելու գործում: Նկատվում է, որ ավելացված վերնագրերից մի քանիքը համապատասխան բանաստեղծությունից վերցված բառ է կամ բառակապակցություն, որը ստվորաբար հանդես է գալիս մեկից ավելի գործածությամբ՝ ծառայելով բանաստեղծությունում արտահայտվող իհմնական տրամադրության ընդգծված դրսնորմանը: Այսպես օրինակ, «Իրիկնաժամ» վերնագրված բանաստեղծությունում (28) ցուրտ ցերեկից հավիտյան դժողով քնարական հերոսը լիմանաբարար խոսքն ուղղում է «նուրբ իրիկնաժամին» («Դու նորից կիջնես, նուրբ իրիկնաժամ...»), «քնքուշ երեկոյին» («Դու ինձ չես խարում, քնքուշ երեկո...»): «Վիշի եզերքին» վերնագրված բանաստեղծության մեջ (32) «Կանգնած եմ մոայլ վիշի եզերքին» տողը գործածված է և առաջին, և երրորդ քառատողերում խոտացված ձևով ներկայացնելով բանաստեղծությունում արձարձվող մոայլ տրամադրությունը: Կան ավելացված վերնագրեր էլ, որ կա՞մ քնարական բանաստեղծության տեսակի անվանում են («Սոնետ», «Էլեգիա»), կա՞մ հոգեկան զանազան զգացումների արտահայտություն («Ժիրություն», «Կարոտ», «Ժախիծ»):

Անցնելով վերնագրերում կատարված փոփոխություններին՝ անհրաժեշտ է հետևյալը նշել: «Գիշեր և հուշեր» շարքը նախապես վերնագրված է եղել «Հսկումի գիշեր» (91): Դժվար է վերջնական պատասխան տալ այն հարցին, թե ինչու է Տերյանը հրաժարվել հսկում բառից: Գուցեն այդ հարցում այն է դեր ունեցել, որ հսկում բառի արտահայտած նշանակության մեջ առկա է նաև գիշերվա, գիշերային պաշտամունքի, գիշերն անբուն անցկացնելու գաղափարը, և եթե այդ բառը որպես լրացում հանդես գար գիշեր բառի կողքին, անխուսափելի կլիներ նաև իմաստային կրկնությունը: Կամ գուցեն և այն է դեր ունեցել, որ հսկում-ի հետ եկեղեցական նշանակությամբ առնչվում է նախատնականի, տոնին նախորդելու գաղափարը,<sup>8</sup> որը բանաստեղծի կողմից ներ-

<sup>8</sup> U. Մալխաս այս ճ գ, Հայերն բացատրական բառարան, հ. 3, էջ 141:

դաշնակ չի դիտվել իր հոգեկան աշխարհին: Բոլոր դեպքերում կարևորն այն է, որ հսկում-ից հրաժարվելու հետևանքով կուշեր-ի երևան զարու շնորհիվ համահնչություն է ստեղծվել գիշեր բարի հետ՝ Տերյանի համար նախընտրելի չ հնչյունի, ինչպես և դի գործածության հաճախացումով («Գիշեր և հուշեր»), ինչպես նաև ավելի բնորոշ դրսությունը է ներկայացվել այդ շարքում տեղ գտած բանաստեղծություններով արտահայտված տրամադրությունների և ապրումների բովանդակությունը:

Ծովովածովի ձեռագրում այնպես է ստացվել, որ երկու բանաստեղծության նույն վերնագիրն է տրվել (Եջեր 112 և 125): Դրանցից առաջին բանաստեղծության վերնագիրը փոխարինվել է «Մահ» բառով (112), մի փոփոխություն, որ սիմվոլիստական հայեցումով ինչքան էլ ընդունելի համարվի, մեզ անհաջող է քվում: «Մահ» վերնագիրն այնպես է հարաբերում բանաստեղծության բովանդակության հետ, ինչպես որ եթե մարդու ատամի ցավի հետ հարաբերվի նրա մահկան անխոսափելիությունը:

Վերն ուշադրության արժանացրած փոփոխություններով չի սահմանափակվում ձեռագիր ծովովածովի վրա Տերյանի կատարած աշխատանքը, բայց առայժմ դեռևս չներկայացրած փոփոխություններն ել այնքան շատ ու բազմաբնույթ չեն: Դրանք հիմնականում վերաբերում են բանատողերի, դրանցում եղած բառերի տեղաշարժին, խորի բազմագանության ապահովմանը և այլն: Հոդվածի ընձեռած սահմանափակ հնարավորության պատճառով բավարարվենք նրանով, որ փոփոխությունը պայմանավորող յուրաքանչյուր նկատառումին վերաբերող մի երկու փոփոխություն ուշադրության արժանացնենք:

Ուշագրավ է բառերի շարադասությունը շրջուն դարձնելու նպատակով կատարված աշխատանքը, որը վերաբերում է ինչպես ստորոգյալի, այնպես էլ նախադասության այլ անդամների առաջարկմանը: Այդպիսի շարադասումը որոշակիորեն նպաստել է խորի արտահայտչականության գրեթեացմանը: Բերենք օրինակներ: «Ինձ միշտ այրում է մի անհազ քախիծ», դարձել է «Ինձ այրում է մի անհազ քախիծ» (38), «Ուրիշ լույսեր կրվառեմ քո հոգում», դարձել է «Կրվառեմ ուրիշ լույսեր քո հոգում» (89), «Մի ցավ է անմերջ իմ սիրու ճնշում», դարձել է «Անվերջ մի ցավ է իմ սիրու ճնշում» (32), «Կրզունեմ ուղին քո մենավոր տան», դարձել է «Կրզունեմ ուղին մենավոր քո տան» (64), «Դու հրաշքով այսօր եկ», դարձել է «Հրաշքով դու այսօր եկ» (130):

Միայն մեկ դեպքում փոխված է ոչ թե բառերի, այլ տողերի շարադասումը:

Կյանքը լուս է, աղմուկը մեռնում

Մի անձանոք ձեռք նուրբ մքնշաղում

Իմ սրտում ուկե անձը է մաղում

Անցյալն ու ներկան իրար է խառնում... (73)

Փոխվել է ընդգծված տողերի շարադասությունը, որի շնորհիվ քնարական հերոսի հոգեկան աշխարհում կատարվող փոփոխությունը («Իմ սրտում ուկե անձը է մաղում») ներկայանում է որպես անցյալում և ներկայում կատարված փոփոխության հետևանք և դրանով է կարևորվում, ընդգծվում է:

Այժմ հանառոտակի անդրադառնար այն փոփոխություններին, որոնք կատարվել են որոշ բանաստեղծություններում տեղ գտած անհարկի կրկնությունները վերացնելու, խորսի ավելի բազմագան դարձնելու նպատակով: «Սեղքի մքին քարայրից» բանաստեղծության մեջ երկու անգամ գործածված է եղել մուր բառը («մուր ցանկություն», «մուր խորց»), և եթե ինքնազրում եղած «Ու գիշերով իհմ կանչիր Զո մուր խուզը և այսուեղ Հեզ մարմինը չար տանջիր...» (125) տողում պահպանվեր ընդգծված բառը, անհարկի կրկնությունն ակնհայտ կլիներ: Բանաստեղծն ինքնազրում այսպիսի փոփոխություն է կատարել, որից շահել է խորի բազմագանությունը.

Սև գիշերով իհմ կանչիր

Ամայի խուզ և այսուեղ... (125)

Այսպիսով՝ ակնհայտ է «Քանաստեղծությունների» առաջին հատորի ձեռագրի վրա Վ. Տերյանի կատարած ստեղծագործական աշխատանքի ուսումնասիրման անհրաժեշտությունն այնպիսի կարևոր հարցերի մասին ավելի հավաստի և հիմնավոր պատկերացում ունենալու համար, ինչպիսիք են բանաստեղծի ստեղծագործական լարրատորիայում կատարված աշխատանքը հնարավորինս ամրողական ձևով ներկայացնելը, քնարական հերոսի հոգեկան աշխարհում դրսնորվող տեղաշարժերը, գեղար-

վեստական խոսքն անթերի կատարելության հասցնելը, որոշ բանաստեղծությունների մասին գրյություն ունեցող կարծիքների ծզգուստը և այլն:

**РАБОТА ВАГАНА ТЕРЬЯНА НАД РУКОПИСЬЮ I ТОМА  
“СТИХОТВОРЕНИЙ”**

— *Резюме* —

— *C. Мелконян* —

В статье впервые объектом исследования становится работа В.Терьяна над рукописью I тома "Стихотворений". Исследование дает более достоверные и обоснованные ответы на такие важные вопросы, как вопрос о творческой лаборатории автора, проблемы перемен в духовном мире лирического героя, доведение художественной речи до безупречного совершенства, уточнение бытующих мнений о некоторых стихотворениях и т.д.